



UNIVERSITÄTS-
BIBLIOTHEK
PADERBORN

Universitätsbibliothek Paderborn

Eginhartvs De Vita Caroli Magni, Animadversionibvs Illvstratvs

Bessel, Friedrich
Reinhard, Johann Friedrich

Helmeftadii, 1667

Animadversiones Ad Cap. XXX.

urn:nbn:de:hbz:466:1-10996

*MS. pra-
veniretur.
* Addit
Cod. Flor.
filium.

* To regni
deest in
MS.

te * premeretur, evocatum ad se Ludovicum * Aquita-
niæ Regem, qui solus filiorum Hildegardis supererat, con-
gregatis solenniter de toto regno Francorum primoribus,
cunctorum consilio consortem sibi totius regni, & imperi-
alis nominis hæredem constituit: Impositoque capiti
ejus diademate, Imperatorem & Augustum jussit appellari.
† Susceptum hoc est ejus consilium ab omnibus qui ade- 2.
rant, magno favore: nam divinitus ei propter * regni u-
tilitatem videbatur inspiratum. †. Auxitque majestatem 3.
ejus hoc factum, & exteris nationibus non minimum ter-
roris incussit. † Dimisso deinde in Aquitaniam filio, ipse 4.
more solito, quanquam senectute confectus, non longè à
regiâ Aquensi venatum proficiscitur: exactoque in hu-
jusmodi negotio quod reliquum erat autumnii, circa
CAL. NOVEMB. Aquisgranum revertitur. † Cumq; ibi 5.
hyemaret, mense Januario febre validâ corruptus, decu-
buit. † Qui statim, ut in febribus solebat, cibi sibi abstinèn- 6.
tiam indixit, arbitratus hæc continentiam morbum posse
depelli, vel certè mitigari. † Sed accedente ad febrem la- 7.
teris dolore, quem Græci pleuresin vocant, illoque adhuc
inediam retinente, neque corpus aliter quam rarissimo po-
tu sustentante, septimo postquam decubuit die sacrâ com-
munionem percepta, decessit, anno ætatis suæ 132. & ex
quo regnare cæperat XLVII. v. CAL. FEB. horâ diei tertiâ.

ANIMADVERSIONES

AD CAP. XXX.

Imperialis nominis hæredem.] Imperium Germanorum qui nunquam hæ-
reditarium fuisse dicuntur, vel ex hoc loco refutantur. Certè ex his
Eginharti verbis non aliud jam olim collegerat Leopoldus, Bambergensis
Episcopus, *libr. de jure Regis & Imperii Romanorum cap. 11.* in his: *Sciendum*
itaq; est, quod idem Carolus M. dum morbo & senectute gravaretur, congregatis so-
lenniter Aquisgrani Proceribus, de toto Regno Francorum, Ludovicum filium suum
Aquitania Regem, cunctorum consilio consortem sibi totius regni & imperialis nomi-
nis Hæredem sub anno 813. constituit: impositoq; capiti ejus diademate, Imperato-
rem &

rem & Augustum appellari iussit. Quæ eadem repetit cap. 16. demonstraturus, unctionem & coronationem non esse necessariam ad imperium consequendum. Frustra igitur sunt, qui Caroli regnum non successione & hæreditate, sed electione solâ ad posteros ejus propagatum contendunt. Etenim Regino lib. 11. Chronicor. & Adelmus ann. 806. partitionem regni inter filios commemorantes, testamentum Caroli ab Optimatibus Francorum jurejurando confirmatum asserunt.

Arbitratus hæc continentiam morbum posse depelli) Scitum est illud Hippocratis, ex cujus doctrinâ experimentum hausisse Carolum verisimile est: Inedia atq; abstinentiam multos & magnos curari morbos.

Decessit anno ætatis sue LXXII.) Albert. Stadenfis anno 814. Carolus Imperator dum Aquisgrani hyemaret, febre & pleuresi tactus V. Kal. Februarii horâ tertiâ obiit, anno ætatis 71. regni 46. subactæ Italia 43. subactæ Saxonie ann. 13. Imperii vero ann. 14. Superant versiculi non tam sciti, quàm curiosi, super tempore mortis Caroli, apud Auctorem Chronici Mindensis p. 101. edit. Meibom.

*Inter & athletas, quos mundi protulit ætas,
Tu Carolum reputes hominum transcendere metas.
Orbem perstringens res Carolus imperat ingens.
Post Christum CCC. D. jungas & superadde
Decem cum quatuor Carolus Rex moriebatur.*

C A P. XXXI.

1. **C**Orpus more solenni lotum & curatum, & maximo totius populi * planctu Ecclesiæ illatum atque hu-
2. **C**matum est. † Dubitatum est primò ubi reponi deberet, eo quod ipse vivus de hoc nihil præcepisset,
3. † Tandem omnium animis sedit nusquam eum honestiùs tumulari posse, quàm in ea basilicâ, quam ipse propter amorem Dei & D. N. Jesu Christi, & ob honorem sanctæ & æternæ virginis genitricis, ejus proprio sumptu in eodem vico construxit. † In hac sepultus est eadem qua defunctus die, arcusque super tumulum deauratus cum imagine & titulo extructus; * cujus hæc forè sunt verba: SUB
4. **HOC CONDITORIO SITUM EST CORPUS**

O 2

CARO-

* MS. Flor.
Titulus ille
hòc modò
scriptus est